

壯悔堂文集卷之七

賈開宗辭子

同里

選

徐隣唐爾黃

問

徐作肅恭士

宋 學牧仲

論

朋黨論上

君子小人之不能不分也久矣其禍必成於小
入其罪必歸於君子此二者相持不並立之勢
也而小人必勝君子必敗其小人之所以勝者
大率自稱孤立其君子之所以敗者必以爲朋

提明

黨漢唐而下凡_未百餘年以此始亦以此終若
然者何哉蓋天下之事未有可獨行而就者也
况以國家之大而欲用君子以治之必其度量
廣而才智博者也必其耳目聽以明者也勢必
於天下相交接而後人品之邪正可以洞然而
無疑又必於天下之中擇數人焉與之託緩急
其功名然後可以通天下之聲氣察天下之議
論而使在中者相安在外者無忌其有沉淪者
則君子必薦揚之其有清通者則君子必羽翼

之其有誤遭網羅者君子又必申救之以無私
之心行至公之事故其防人也常疎而以相善
之人不得不有相顧之實其爲名也益甚著是
是則朋黨之說筆方斬然出嗟乎黨人果何負於國家哉
而小人言之主上必聽之者又何也彼小人之
伎倆主上之意肯吾知之矣小人秉性必深刻
立行必矯激用心必險毒見利則合見威則劫
一人而首尾說蓋小人之情態鼓易一事而曲直兩徇一目而陰
陽百出是孤立無朋者也無朋則無黨而飾曲

謹爲學術假小廉爲操守以其身深結於宦寺
宮妾之間而顯然與士大夫爲敵方且欺其主
上曰公忠也介執也彼清流相標榜者皆罔上
行私者耳夫主上居深宮之中與臣庶隔絕常
恐天下之欺已而密以爲防羣天下之人而有
朋羣國家之臣而有黨此豈人主所樂聞哉彼
小人者或緩言之或急言之或密勿帷幄之地
私劄陳之此明指當日情事或以草野不經意之人伏闕請之而
左右各有所樹又陽探而陰諷焉賢否混淆利

害。質。亂。則。主。上。豈。暇。究。朋。黨。之。人。爲。何。如。入。閭。黨。人。之。事。爲。何。事。哉。勢。必。去。之。而。後。止。又。必。盡。去。之。而。後。小。人。之。心。安。顧。君。子。無。罪。也。卽。或。有。罪。矣。而。衆。君。子。無。罪。也。一。自。黨。人。之。說。出。則。首。必。有。主。謀。者。次。必。有。同。志。者。又。次。則。亦。必。有。脇。從。者。羣。陷。之。而。羣。逐。之。此。寧。有。虛。實。可。辨。而。衆。寡。可。分。哉。故。小。人。之。害。君。子。者。斷。斷。乎。其。出。于。此。也。因。勢。調。停。之。說。君。子。知。其。不。可。爲。而。忠。正。強。毅。之。性。又。不。肯。少。因。盛。衰。而。有。所。改。移。勢。必。

羣起而力與之爭。乃主上方重其孤立而深疾。朋黨是以君子在大位而攻小人。主上則以爲竊美威福也。在言路而攻小人。則以爲挾怨沽名也。思宗時。相臣。皆國。在往。如此。名也在散地。不攻小人。則以爲挾意指使也。信者日以信而疑者日以疑。又何得有全理哉。昔者漢有陳竇十常侍之黨。陳竇以君子而敗。十常侍以小人而勝。唐有牛李之黨。僧儒以小人小敗而大勝。德裕以君子小勝而大敗。宋有司馬光呂惠卿之黨。惠卿以小人一敗而卒勝。溫

公以君子一勝而卒敗得失相等自古而然已
惟人君深察其所以不得不黨之勢而鑒其用
心因以知小人所繇無黨之故則忠邪寧待計
哉嘗就天下之大勢觀之門戶不同風氣亦異
有合一鄉而爲小人之黨者有一鄉之中各分
郡縣而爲君子小人之黨者亦有一家之中父
子兄弟各分而爲君子小人之黨者益益其先
達所教後進所趨聖明所不能齊性情所不能
強也而要之君子尚義小人尚利其盛也小人

益濃而君子益淡其衰也小人于同類之中自

瑤者即蓮黨也

為排陷君子于失志之時其相悼惜故小人常

得脫然而卒以朋黨之禍歸君子耳夫朋黨豈

君子所避哉同為國家之人同受國家之事苟

其謀之而必公行之而必忠雖日弘吐握之風

夜前賓客之席虞書之所稱協恭箕子之所論

大同也不然而獨行無偏心實不測蔡京蔡攸

彼得何

之相構真可謂孤立者矣人主宜何取舍焉

確論必傳 恭士

朋黨論下

通。接。前。篇。

自世之既衰也。而黨人之目在下。蓋小人既逐。

君子則朝廷之上。可以惟我所為。而恒恐君子

之在下者。得而非議之。於是因其議論。而指為

譏刺。觀其風節。而誣為標榜。羣天下名彥之士。

而盡陷之。語言文字之中。使其辨之無可辨。而

迹之不可迹。則小人之勢成矣。夫古今之相尋。

也。朝廷有頑鈍無耻之大臣。而後草茅有激濁。

揚清之名士。又必其朝廷之上。激濁揚清之大。

臣去者去而死者死然後草茅之士相與持之言之猶有餘痛而愈堅爭之而愈力此其事一關於國家之氣運一關於國家之風俗氣運之不可爲也必人才委靡不知有名教之防而後小人之焰張風俗之不可爲也必人心柔滑不知有是非曲直之性而後君子之澤以盡起而視朝廷之上小人既勝而君子既敗則陰陽消長之辨亦甚彰明較著矣所謂草茅名士者皆四方之產素不相識之衆也或聞其名而向慕之或弔其風而

感歎之或見其人而折節之或同有道義之歡
而貴達不移或共有澄清之志而禁錮不惜其
與國家無職掌之不可辭也與受禍之君子無
恩私之不可背也徒以名教之不可滅是非之
不可昧故千里一人焉百里一人焉遙相推引
而致朋黨之不可復解嗟乎此寧有所勉強哉
國家養士之恩而氣運之未必卽衰風俗之未
必卽壞有人焉採其議論而高其風節羣然興
起推而挽之以待澄清之一日焉知小人之所

天。地。間。名。教。不。磨。

自○有○此○種○道○理○

以勝者非卽小人之所以敗耶雖終身隱伏而
天下係其想望小人有所畏忌則治亂之故固
始於在上之黨豈不歸於在下之黨乎故昔者
聖明之世元愷之賢必與九官十二牧相知者
也降而漢之諸葛亮晉之謝安皆以處士得衆
心負人倫之目者也英主興賢人進則天下以
朋黨治惟不幸而繼君子旣敗之後則小人之
求於我者方深而我之所以應於人者方激上
下聲氣之相通而謂之交結好善欲其登惡惡

此指鳥程

欲其崩而謂之武斷身名相託而羽翼相扶謂之翬薄成風乘君子之疎而以中主上之忌于是求快小人之意旨而一束於朝廷之功令則有分南北部之名按籍而求遍邑而索陳竇既隕而范李旋續者桓靈之代是也選取冗濫罷天下科舉以示海內無遺材投之黃河惡其清流而使為濁流者李林甫朱溫之奸是也南渡而殺陳東因東而殺歐陽徹遷臨安而放四君子散太學生而使作捲堂文以見志者趙宋之

代是也。此皆黨人之在下者也。夫黨人在上而
為小人所勝。恃有天下之是。在下。所黨。然。有。用。係。議論而裁抑之。天下
之風節而折服之。此其勢亂矣。而猶不足以亡
至於朝廷之人空而草茅之禍烈。勢必化國家
之氣運而盡為委靡。變國家之風俗而盡為柔
滑。其又孰得而救之也。耶。君子亦何樂乎有此
矣。原其初一人為名教之宗而一鄉之人推之
繼且羣天下之人而其推之為之上者莫不表
揚於前為之下者莫不輔助於後未嘗與聲名

期而天下之名至焉。迨行成矣，名立矣，未嘗爲禍患懼，而天下之禍集焉。同志益相爲引重，則異己益相爲忌嫉。故黨禍之在下者，常更烈於在上。然則閉戶絕迹，不識天下之人，緘口藏身，不談天下之事乎？夫一介之士，必有密友，其人而踴躍無徒，不事交遊，必其胸懷陰險，矯激不常，而見棄於賢者也。不則甚卑賤，無所短長者也。豈有君子蓄用世之志，而孤立寡與者哉？嗟乎！彼聖明之世，平康正直而已，無異同也。自小

人指君子爲黨而後朝廷之上分爲忠邪草茅
之下分爲清濁水火不并立薰蕕不共器豈可
以。小。人。之。加。君。子。者。而。遂。以。定。君。子。之。罪。哉。試
喻之國如木然君子則其本根也衆君子則其
條幹也君子之議論風節則其枝葉也救本則
仆削幹則弱去枝葉則枯此乃木之蠹賊也人
主奈何不之悟也

漢唐宋有漢唐宋之朋黨明自有明之朋黨
本末源委各不相蒙若以前代事論明豈不

河漢明朝門戶自四明以知分至烏程而後士
大夫之禍始烈朝宗家與字最熟最悉故兩篇
議論鑿鑿無一字依傍此亦響恭士
此係朝宗少年作細看效似不同近日文字然
亦不失大家爾黃

宦官論

人主者威勢之所積也。勢借則不威，鳴乎惟其
快確過威勢之所以下情也。蓋天下之患無窮，人主
以大度應之，則無不安；苟其不能無疑而慮人
之欺已，則必思所以防之。防之而所患不必起
任奇之弊如此於所防也。防之人足以爲患矣。故天下之患每
起於所忌而成於所忽也。古聖人濶畧坦易不
矜處嚴之名，其大小臣工得以朝夕相見，若以天
下之情僞莫不悉知，而萬里之禍無從而發。

附腹近習之間亦不得借權以自豎今天子
手除凶豎明見萬里矣然竊以爲未皇目擊也
其事在於用宦官夫宦官日奔走於人主之前
伺其喜怒而乘意竊發出則應言於衆曰是王
上之所欲爲也天下信之則其令行而不可止
苟其違而不行又烏從而質其非乎昔西山之
狐往見南山之虎曰古文神髓子跋跡少林薄之間且一得
食何其憊也誠能假我以止以毛與牙瓜子安坐
山隅之中而飲食不乏虎然同之衆獸果見氣而

及。走。生。死。之。惟。命。夫。豈。畏。一。狐。哉。見。其。皮。毛。與。
牙。爪。或。疑。真。虎。之。所。爲。也。今。人。主。之。威。不。啻。虎。
也。上。下。隔。絕。不。啻。山。嶠。之。深。也。而。宦。官。之。邪。媚。
煽。惑。甚。俾。於。狐。假。人。主。之。聲。名。以。爲。皮。毛。借。人。
主。之。威。權。以。爲。牙。爪。天。下。焉。得。不。畏。之。哉。夫。衆。
獸。所。以。畏。狐。者。不。得。見。虎。也。天。下。所。以。畏。宦。官。
者。不。能。見。天。子。也。故。今。日。之。患。在。於。朝。廷。之。體。
過。尊。大。臣。天。子。之。股。肱。也。而。周。歲。不。得。一。見。偶。
有。召。命。則。拜。跪。唯。諾。山。呼。而。退。不。得。一。言。彼。幸。

伎之人方且飲食卧起不離于側天子又獎其忠勤嘉其才志使出入邊廷之間拱揖部曹之上皆尊以監視之名彼作威作福一加人以此非則天子必信信且必行外庭有疏其罪者不惟不從又加罪焉嗚乎公卿之賢者務爲相安無事之說惟恐激其怒其不肯者又貪權固位而陰與相比偶有小臣言之則又以爲瀆聒而莫之省憂也廟堂果何自而悟哉夫是以其勢益盛古者寺人領之太宰西漢之初宰相猶得

以制之雖鄧通之寵申屠嘉能激之使叩頭流血今也外臣不敢與聞內事而中貴苛刻暴橫民間私語皆採以上聞交接往來稍有涉於朝臣者羅織株連必中傷之而後已其身之賢否則惟司禮監得以議之夫耳目所聞見內侍之斥外臣者月常四五而大璫之考核其屬窮歲不得一也豈內臣皆賢而外吏皆不肖哉秦漢以來千有餘年矣其不爲惡者呂疆張承業數人耳大逆奇凶則不計其數以是知不肖者多

而其黨相與朋比爲姦也譬之盜賊爲害使官

喻毒之而切

兵討之理也今乃以官兵爲不足任歸其渠魁

使自爲治則同惡共濟耳何益之有哉故天子

誠能法周官西漢之制勿偏任宦官而曲防朝

臣且卽以宦官之所以制朝臣者使朝臣得以

制宦官則善矣昔太祖之制內侍數人給灑

掃而已不使識字也故迄於宣宗不受其禍

浸假而有王振之事又有汪直之事至劉瑾而

極凶豎魏忠賢而橫矣天子手自誅鋤熟知

其惡豈不戒前車之輒與蓋輕其爲廝役薰刑
之餘以爲其惡不能有爲姑使察天下之情僞
一旦得罪雖勢如凶豎而我能立除之無難也
竊以爲不然夫人見虎則卹然駭閉門而拒之
惟恐不速見鼠則恬不爲怪究之墮垣穴窟不
出於虎而出於鼠者豈鼠之力有加於虎哉患
成於所忽而卒然難防也故天下常有不測之
事齊桓公九合諸侯強如晉楚奉命恐後而其
後一豎刁敗之有餘秦始皇滅六國并四海威

入二一事實証

天引奇文有姿態

方所加天下不敢仰視自爲一世之雄海內

莫爲予毒也而不知趙高弄之如木偶也嗟乎

二君豈非絕世之英主哉數。上。作。一。故。有。力。故小察不足以爲明

而耳目宜廣不在防人之欺已而在乎使人樂

盡其誠今天子任宦官以爲朝臣不足用也

夫朝臣雖不肖然而其人親詩書習禮義知身

家之難安則渾身爲惡習而身之危之易敗則勉於

爲善後宦官不過通傳後事天。之。樂。耳。無。蒸。耻。以。

養其性無妻子以係其心事之未敗則詡詡然

自以爲得而曾不顧惜其後彼自視其身輕如
腐鼠而謂其重人國家之事哉夫漢之常侍唐
之中尉何常不剪除於操溫之手然而國運隨
之以亡夫以萬鎰之璧狗一破瓦愚夫不取也
且凶豎之事恃 聖天子在則不足憂耳苟或
不然不知國家何以處之也故曰天下事未然
者易制已成者難圖弊釀於庸主易反而偏中
於英王者難回也

論古事宜含蓄論今事宜愷切朝宗親見

思宗任宦官而發故旁引曲中殊非泛然

牧

仲

論爲變體而行文無不入古

齋子

太平仁義之效論

人主欲以三代之治治其民莫貴乎其斷也斷字以
斷行之一編三意猶恐以小人之言間之况乎以不斷行
者乎人臣之進說于其君者有以王者之治相
期者矣有以霸者之治相期者矣有以刑名法
術之治相期者矣是三者其言不同其人亦異
其將來成功亦大懸殊雖人主慎終惟初未可
逆知而要其大端決于聽計之始何也其所以
排伏之者力而所以審之者定也未有用刑名法

術之說而治能幾希于霸者也未有用雜霸之
說而治能幾希于王者也五帝三王其治尚矣
三王之世去五帝已遠商周征誅之世去夏王
之揖遜已遠而三王之心固曰吾終不以世之
代降而治遂不若五帝也而商周之主之心亦
曰吾終不以征誅之世代降而治遂不如揖遜
也故帝王之治無百年而不變者法也雖千世
而不易者道也道莫大於仁義人自堯舜二帝以
至於三代以來未始更也秦欲以一國而併天

下則須強兵欲強兵則須用刑名法術之學併
民力於一而李斯韓非之徒起仁映義乃蕩然於
天。下。卒。之。秦。滅。六。國。而。亦。旋。亡。猶。病。熱。陽。狂。之
人。惡。其。疾。而。以。毒。寒。攻。之。疾。去。而。元。氣。亦。蕭。索
矣。漢。承。秦。後。高。帝。草。創。文。景。敦。崇。黃。老。孝。武。好
大。喜。功。所。云。雜。霸。者。非。耶。宣。帝。矜。察。刻。核。自。以
爲。漢。家。制。度。議。者。推。原。西。京。之。衰。實。基。於。此。惟
光。武。有。人。君。之。量。而。躬。親。吏。事。失。其。綱。要。浸。淫
至。於。魏。晉。六。朝。益。不。足。言。矣。嗚。乎。相。傳。千。百。年。

仁○義○之○說○不○明○而○欲○致○太○平○之○效○猶○適○越○而○北○
○忘○節○提○轉
其○轅○吾○見○其○惑○也○宋○儒○曰○貞○觀○之○治○庶○幾○三○代○
吾○嘗○攷○太○宗○之○治○天○下○也○粟○米○狼○戾○囹圄○空○虛○
夜○戶○不○閉○人○行○萬○里○不○持○寸○兵○可○謂○太○平○矣○而○
太○宗○歸○之○魏○徵○勸○行○仁○義○之○效○且○曰○惜○不○令○封○
德○彝○見○之○夫○德○彝○之○言○便○給○可○聽○魏○徵○所○陳○近○
於○迂○緩○其○能○不○以○彼○易○此○者○良○由○太○宗○所○以○排○
之○者○力○而○所○以○審○之○者○定○也○鄭○子○產○曰○政○如○農○
○應○前
以○日○夜○以○思○之○思○其○始○而○圖○其○終○朝○夕○而○行○之○

行無越思如農之有畔如此而不效者未之有也故太宗之治天下也亦惟專其人而已矣亦惟一其政而已矣亦惟貞其恒而已矣若是者所謂斷也彼所謂兼採其說而徐觀其成者皆以下方直說王意謬也後之人主之爲治也入與賢者謀之出與不肖者議之是與不肖者論賢也朝與智者謀之夕與愚者議之是與愚者議智也其始也不斷於心及其行之無效則曰古道之不可治今之世也如此不究已之不斷反以疑王道之必

誰本用人是

井。也。空。二。三。一。今。好。是。斷。字。分。末。治。求。言。雙。承。作。收。式。氣。
不。可。行。自。以。爲。求。治。而。不。知。適。所。以。亂。治。也。自。
以。爲。求。言。而。不。知。多。言。之。災。聽。也。是。二。者。皆。非。
也。雖。欲。求。效。其。將。能。耶。宋。儒。曰。貞。觀。之。治。庶。幾。
三。代。然。關。雎。麟。趾。之。意。安。在。是。太。宗。猶。非。能。躬。
行。仁。義。者。也。而。仁。義。之。效。彰。彰。如。是。况。乎。六。本。
之。修。身。齊。家。者。也。嗚。乎。後。之。人。主。其。亦。審。擇。所。
尚。哉。

總不填仁義膚語獨從斷字看出治本何等

識力 恭士

太子丹論

天。下。有。繩。墨。之。論。而。挫。英。雄。志。士。之。氣。者。如。以。荆。軻。爲。盜。是。也。况。乎。狃。於。成。敗。之。形。而。不。察。於。確。然。之。數。以。忠。臣。孝。子。不。得。已。之。深。心。苦。行。不。痛。惜。其。不。幸。而。反。以。爲。罪。則。何。以。爲。後。之。國。家。者。處。仇。敵。法。也。昔。者。燕。太。子。丹。遣。荆。軻。入。秦。刺。始。皇。不。中。秦。人。來。伐。王。喜。斬。丹。頭。以。獻。於。秦。國。竟。以。滅。宋。儒。曰。丹。有。罪。焉。故。書。斬。嗚。乎。丹。之。心。事。可。以。告。之。皇。天。后。土。而。無。憾。矣。其。死。也。將。下。

見其始祖召公奭於九原卽引而進之周之先
文王武王之側亦豈有慙色哉本意欲殺敵不
遂則死已决絕於易水送軻之日矣其書斬者
固其所笑而不受也然且何以罪丹乎曰召釁
也夫強秦之欲滅燕豈待有釁哉彼六國之見
滅者又坐何釁也刺亦亡不刺亦亡三尺童子
能辨之矣卽云幸而苟延焉乃蟬蛸之朝夕也
尚不得爲螻蛄之晦朔也有兩人行而遇虎者
其一惶恐拜跪而乞哀以死其一大呼奮臂鬪

不勝而死而論者顧以乞哀為智以大呼奮

為狂佻而櫻虎之怒則何其愚且謬也且太子

丹之遣軻也作新或籌之熟矣秦之橫行而不可禦

乃天下驚竄震鬼自懾伏於秦非秦果能制天

下也斬竿一呼而天下瓦解相去幾時秦既無

德以入人而其勢又非蟠結而不可動設一旦

其萬乘之君立死於匹夫之手國有不內亂乎

天下豪傑因以知其不足畏而太子丹者且收

合六國之餘燼以西向而前吾恐嬴氏之亡不

待沛公之入關矣其以洩暴秦之威而倡天下

之義莫此一擊若也他日張良之椎蓋猶踵荆

軻之劍而為之者也其不能成則天也故荆軻

之與聶政不可同日語也宋人有見於戰國之

世聖人之道不明先王之法不立其公子養客

而俠士輕生故一切以儒者之論繩之惡聶政

之以私害公而并及之於軻惡原嘗春申之屬

而并及於太子丹譬如醫之於藥者不察其

人之何病而槩以烏附為不可用日以寬和之

劑養其腸胃。又安能起久痼而生之乎。且天下固多散緩肥重以死者。何必其暴蹶也。宋之亡也。秦檜湯思退之流。日以挑釁之說。挾持殺戮。

中辨折前題外波瀾

天下之謀臣戰將。始終以講和誤其國。僅有一大儒如考亭者。猶所見之如此。亦何怪乎三百年間多議論而少成功哉。然則朝可為忠臣。丹可為孝子乎。曰由今日論之。朝可為忠臣矣。而放一步處分新然要之其人則英雄而感息者也。設其遇嚴仲子。未必不為之用也。若太子丹者。雖與日月爭光。

其士卒脫弟萬於難其既相也當桓溫而不怛
禦符堅而不懼是其識量豈猶夫尋常之可測
哉顧可以見天下之幾微者識也而天下之大
有非明智之所能盡則識於是乎窮可以鎮天
下之危疑者量也而建功立業之人又有時乎
出於達生脫死之表則量亦僅得其一端嗚乎
蓋未有力不足以舉天下之煩氣不足以鍊天
下之苦性情不足以扶替天下之一偏而可以
大有爲者也善乎王羲之謂安日夏禹胼胝文

王。肝。食。虛。談。廢。務。浮。文。妨。要。非。當。世。所。宜。而。檀
冲。亦。云。安。石。有。廟。堂。之。望。不。聞。大。畧。安。皆。不。之
用。也。夫。安。豈。不。知。四。郊。多。壘。所。當。布。置。而。經。營
日。不。暇。給。也。哉。顧。其。數。十。年。以。來。熟。見。夫。江。東
之。門。地。聲。名。以。文。雅。爲。高。以。風。流。爲。美。旣。不。能
矯。克。其。一。時。之。風。習。而。又。以。清。言。濟。之。方。且。塵
視。乎。軒。冕。弊。屣。乎。功。名。以。矜。其。邁。往。不。屑。之。韻
幸。而。遇。變。如。溫。與。堅。者。而。皆。有。以。鎮。靜。而。安。全
焉。以。爲。是。已。足。以。自。見。也。說。者。以。二。患。旣。平。之

後安即間於國寶之讒不久而卒故其建堅止

於此而不知其不然蓋安之為人清冲有餘而

樸練不足無以爭天下之先而經天下之遠吾

以其夙習決之矣夫所貴乎矯而克之者非以

為勝於天下也乃以自勝也絕大道理不為浮譽所惑則

所以養其力者厚不與流俗相競則所以制其

氣者重厚且重則其性情無累故其見之於天

下者煩簡適宜而苦樂一致若安者可謂簡易

而和樂矣設一旦困之以煩嘗之以苦吾恐其

廢然而返於莊生老子之林也。又安能深沉確

神尾

實開擴淬厲而以天下為己任乎。晉氏之既東

也。其相臣前有王導。後有謝安。導有大有為之

識。而無大有為之才。安有大有為之量。而無大

有為之幹。過此則時勢去矣。其偏安也。宜哉。然

有力

則必何如而可。日如陶侃。祖逖者。而更假之以

導與安之識。量庶乎其可已。

據此可以指揮羣材

雄渾深渺。節奏無一不安。
恭士

王猛論

唐荆川曰王猛者符堅之謀臣也此可謂得猛
之著者矣猛處天下分崩之肯其志未嘗不在
中原及其不得已而見用於異國猶惓惓不能
忘猛蓋識大義者也嗚乎三代而下亂世之臣
識大義者諸葛亮王猛而已亮始終心乎漢者
也猛始終心乎晉者也然亮仕於漢而爲漢人
之所知也猛仕於秦而爲晉人之所不知也吾
故舍亮而論猛當猛之隱於華陰也姚氏石氏

多雄畧之主豈不能出而佐之以為是氏美堯偕
 竊者而非其志也志不肯輕出而又無以自達
 於晉故寧隱焉逮夫桓溫入關而後喜可知矣
 被褐而謁捫虱而談詐偶然哉溫見之而與論
 三秦之豪傑既而曰江東無君比也蓋溫且心
 折於猛矣乃溫還而猛不從何歟嗚乎猛英雄
 也溫亦英雄也天下英雄之與英雄可一望而
 知猛從溫則溫必大用猛然而溫欲篡晉其從
 之則苟絕好推斷或郭嘉之下也不從溫又必殺猛天

下英雄之相愛而相用也。出於誠然而英雄之
殺英雄與其見殺於英雄者則必皆出於萬不
得已。苟有可以擇之而可以全之斷不相強也。
故此時猛不難於舍温温亦不難於舍猛温欲
篡晉猛之所知也。猛必不從温篡晉亦温之所
知也。然猛自是始無望於晉也矣。晉偏安江左
僅有一桓温足以有爲而又不可以從大軍一
還彼峭灑函谷之間豈復尚有奉正朔襲冠帶
之日哉。其出而相符堅者猛之不得已也。一出

而強兵富國擴疆啓宇勲績爛然說者以為符

堅之管仲是固猛之生平所裕如者也不足異

也垂沒而告符堅曰晉正統相承上下輯睦非

所可圖綿亘萬里臣死之後願無以晉為念而後其本懷

見矣故吾以為猛者非僅僅功名之人也然則

猛盍并不仕秦曰猛之才高於諸葛亮而澹泊

寧靜不及即其治秦也亦以英氣為之而多不

可耐使亮不遇先主則必不仕吳魏者亮之所

能也猛不遇晉則并不仕秦者非猛之素懷也

斯得劍見得定

一篇之旨在此直與符堅之

然而當猛之時可以爲晉難者莫秦若也在之
仕秦仍是在存晉無人見則
則以秦存晉猛亡猶欲以秦存晉是則吾之所
爲識大義者也

以猛比之諸葛痛見義士苦心真千古隻眼
之議文更圓暢反覆恭士

合論溫猛如見其捫虱而談大是英雄

爾黃

顏真卿論

狗國以死之謂忠抗道不同之謂直若此者魯
公顏真卿能之然而當天天下變故之際亂成於
前而禍伏於後強藩不順人心不服中外觀其
設施賴其彈壓所謂大人宰相之事也非以忠臣
當之作老泉可乎曰不可忠臣能不負國而已以直臣
當之可乎曰不可直臣能不貶道而已然則真
卿何如曰真卿者所謂唐之大人宰相也唐用
之即不盡其長公僅以忠直見焉而已即推公之心

蓋嘗慷慨以經濟自許而思所以用之豈樂夫
悻悻孤子必置其身於危地而與天下後世爭
此一日之名哉當祿山叛而平原固守稍識逆
順者皆然不必真卿也卽云早知其叛而預爲
之備彼之蓄有逆志也久矣特明皇不悟耳又
不足爲真卿異也迨夫凶焰轉張諸郡連陷公
乃謀於衆曰賊銳甚不可抗委命辱國非計也
不若徑赴行在嗚乎天下有其實未固而助之
以聲其威尚隱而係之以望公所謂以聲望係

唐之強弱者歟。祿山甫叛而堂堂天子倉皇西走。哥舒老將一戰投戈河北二十四郡無復忠臣。獨有一魯公奮袂而起。椎牛歃血。號召連結。以橫塞賊衝。是其聲望豈渺小哉。固賊人之所震而驚。而天下之忠義所觀望而激發也。設不審時度力。而一旦成擒。則逆賊之氣彌振。而天下之志以挫。而威以消。沮矣。豈特一郡之得失○通○篇○抑○揚○感○。一○慨○用○若○千○載○字○上○氣○逸○而○舒○身之死生而已哉。委之而去。正其全身以全國者。也不然。公之生平豈愛一死者。而使聞風

迹○潰○之○徒○得○以○借○口○哉○公○蓋○熟○知○逆○賊○之○情○形○
而○又○自○料○其○廓○清○之○才○當○在○李○郭○之○列○帷○幄○之○
笑○當○與○鄴○侯○相○伯○仲○而○不○肯○遂○以○平○原○畢○一○旦○
之○命○也○其○見○上○也○而○以○爲○御○史○大○夫○又○以○爲○司○
寇○唐○人○不○知○公○也○其○後○代○宗○在○陝○是○時○僕○固○懷○
恩○雖○未○叛○然○其○逆○節○已○著○矣○公○請○自○往○召○之○諭○
以○勤○王○補○過○使○用○其○言○豈○有○回○紇○連○兵○之○禍○哉○
代○宗○得○以○保○全○其○功○臣○而○一○時○強○藩○之○歸○命○者○
不○至○再○爲○猜○阻○目○前○又○得○其○兵○以○自○衛○此○皆○轉○
見○其○精○

移於呼吸之間。不動聲色。而因敗爲功。化有事爲無事。是其深識。老謀。惟李泌。陸贄。僅知之耳。特區區辨逆順者哉。又有不止於此者。玄宗在蜀。而祝冊署嗣皇帝。則真卿諫。李輔國遷太上皇於西內。則真卿率百官問安。以諫。代宗自陝還。先入宮。而不謁陵廟。則真卿又諫。此皆各分節目之要。而當時自魯公外。無有能言之者。嗚乎。唐之二三百年。治日少。而亂日多。其君臣父子之間。傳授不明。而將順不正。六月四日之變。神

堯遂退爲太上皇而太宗卽位房玄齡杜如晦
不知其非也太平公主誅睿宗遂退爲太上皇
而玄宗卽位宋璟不知其非也浸假而至於靈
武之事天下益以爲固然矣獨公於事後猶能
辨其幾微而謹嚴之於大義使得盡出其底蘊
如房杜諸人之遭際必有舉措適宜使天下相
觀而喻而有以道銷其僭亂之萌又豈必待其
著而力爭於甲兵權數之間哉然則魯公之學
術獨見其太固唐三百年之一人也雖爲宰相

可也

風神頓挫具六開闢筆踞廬陵之巔史論之

最勝家 恭士

于謙論

英宗北狩 景帝立以于謙爲大司馬已而

英宗還退居南宮七年 景帝崩南宮迓正殺

于謙天下惜之曰于謙社稷臣也一〇句〇處〇在〇

非社稷臣也可謂功臣矣 英宗之北狩也社

稷無主都城洶洶廷臣已有倡議南遷者其不

爲宋之續也幾希矣也先擁 英宗入寇是明

以靖康紹興之事歟我也于謙颺言曰社稷爲

重國有君矣來惟有戰耳也先大沮乃許 英

宗還固不在乎急急奉迎矣提當是時謙以天下

安危為已任以大一統之主出狩而歸海內晏

然若不知者儻哉于謙社稷再造之功歟然則

謂之非社稷臣者何也抑曰社稷臣非可以功論

也道字一第之骨不可以福誘不可以禍恠道之所在毅然爭

之知則必言言則必盡務納其君於道而後已到此方出

不從則爭以去就而無隱忍圖度之私焉吾觀

謙之所以自處與其所以處景帝多有非其

道者然則英宗居南宮非歟曰英宗還而

欲。景帝讓位此非謙所能也。即能之旋立其

君而旋廢焉。尤非社稷臣所為也。然則吾之所

揣時度勢。干公亦何辭。

以責謙者何也。曰廢太子而立見濟則謙之力

所能爭也。謙雖位為大司馬而其權過於相蓋

景皇帝幃幄腹心之臣也。黃竑之議一萌使謙

抑

造膝密陳其不可則景帝亦必徘徊而不敢

出而况其率羣臣面折廷諍乎。使謙率羣臣羣

臣必從何也。謙之任遇深而羣臣所恃也。乃不

聞其有此舉而詔草一傳謙亦唯唯署名推其

意。以。為。非。我。發。之。而。我。又。非。秉。鈞。者。天。下。無。以。

專。責。之。也。嗚。乎。不。思。其。得。君。行。政。之。何。若。而。欲。

以。名。位。形。迹。之。際。自。解。免。於。後。亦。惑。矣。謙。人。傑。

也。逢。君。之。欲。以。取。富。貴。其。斷。斷。不。為。蓋。有。出。於。

甚。不。得。已。焉。而。不。能。揆。之。於。道。也。以。為。吾。不。幸。

而。遭。變。故。輔。人。之。第。一。而。閑。放。其。兄。功。蓋。世。而。名。

此亦扶隱之論

震。王。是。其。大。權。不。可。一。日。令。不。在。我。也。吾。特。為。

景。帝。特。達。所。拔。非。有。古。大。臣。威。望。之。隆。顧。託。之。

重。隱。然。必。不。可。動。者。設。一。旦。拂。帝。之。意。吾。將。置。

其身於何所乎。當是時。謙年僅四十餘。而景
帝甚少。苟可以君臣意合。輔之一二十年。而南
宮之事告終。則天下無意外之變矣。彼易儲者
乃其早晚所必不免也。以宋太宗所難。而以責
之。景帝過矣。謙以為可不必爭也。雖未嘗過
其衝。而亦未嘗開其隙。是其心迹。豈猶不在趙
中令之上哉。七年而景帝崩。謙之所不及料
也。故曰天下事有出於勢之必然。而道之所不
然者。則君子爭之。爭之非慮其勢之容。或有不

然也道之所不在而天理人倫之所不安也夫
一。奔。所。倒。如。欽。案。不。可。教。
上皇之居南宮也廷臣之不得已也天下之不
得已也亦景帝之不得已也即使周公處之
無以易矣而見濟之立則何以自景帝之非
幸其兄而謙無所挾以爲君功地耶異日謙之
得罪也不以易儲而以金牌召襄世子雖不必
其事之不出於誣而自其不爭易儲之悉推之
則景帝升遐之後謙之不主南宮也明矣又
何怪乎石亨徐有貞輩借口以爲奇貨也然則

謙○之○所○以○得○禍○者○乃○其○畏○禍○者○也○社○稷○臣○者○爭○道○不○爭○禍○福○也○卽○使○明○哲○而○全○其○身○於○禍○福○之○間○亦○不○宜○參○以○禍○福○之○見○而○况○其○隱○忍○而○無○所○於○擇○耶○雖○然○謂○謙○非○社○稷○臣○可○也○謂○之○非○社○稷○功○而○殺○之○則○不○可○功○成○矣○無○以○寵○利○居○焉○之○謂○道○惜○乎○謙○未○聞○也○

直使于少保無辭文固以度勝者蒼然悠然
全在矣字也字數十處用得回旋有態東坡

晚年絕調也

恭士